

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第四四冊

補編第四十四冊目次

七十二峰足徵集八十八卷文集十六卷(文集卷三未刻)(二)

〔清〕吳定璋輯

北京大學圖書館藏清乾隆十年吳氏依緣園刻本

..... 一

湖陵江集七卷首一卷末一卷

〔清〕江八斗輯

中山圖書館藏清八斗堂刻本

..... 四六六

七十二峰足徵集八十八卷
文集十六卷（文集卷三
未刻）（二）

〔清〕吳定璋輯

北京大學圖書館藏清乾隆十年吳氏
依緣園刻本

附《四庫全書總目·七十二峰
足徵集一百一卷》提要

七十二峰足徵集卷六十四

武峰吳定璋友篁菟錄

虞山王繼良媚雪編訂

葉樹廉

樹廉字石君南業之隱君子也僑居虞山博學嗜
古讀書務盡其蘊論議不肯拾人牙慧又好為詩
時錢宗伯為文章宗匠著述箋疏舉世宗之惟石
君時有異同之見居恒損衣食以購書多至數千
卷會鼎革遭兵燹書盡散失貲亦盡獨身歸洞庭
七十二峰足徵集

東山葉氏合編

卷六十四

其鄉人相與勞苦石君輒感曰貲財無足言獨惜
我書耳鄉人皆笑之已復居虞山購書倍多于前
藏樓學齋中石君所好書與世異每遇宋元抄本
及收藏古帙雖零缺單卷必重價購之世所常見
者勿貴也其所得書條別部居精辨真贗手識其
所由來識者皆以為當東海徐司寇纂其名而未
相識石君既歿司寇乃為作傳且論曰江南藏書
家有金陵焦氏虞山錢氏四明范氏錢氏絳雲半
野之藏甚富惜厄于火將園先生之後亦多散軼

惟范氏天一閣尚存予亦有聚書之癖積半生所得度之一樓曰傳是樓然較之諸家所藏多有目無書殊足憾也洞庭林屋洞相傳禹于此得異書如古所云宛委石倉者石君得居之其亦不偶然也其稱賞如此後何義門侍講亦最喜石君所閱書謂考訂精密訂臨古今源流瞭然別見手眼一時好事者因義門之言爭購其書于是樸學齋所藏又皆不脛而走當日東海所為與天一閣傳是樓並稱者閱世而下又與絳雲猶園同盡矣能無七十二峰

足徵集

東山葉氏合編

卷五

人可以不死矣

懷古

老氏流沙去莊生一榻眠去者聞見絕眠者塵勞捐惟有尼山聖棲棲瘁道邊為憐天下溺反復搜陳編桓魋驚中土盜跖恣山巔聖德自巍巍過惡終莫援所以千古來宵小多蔓延譬之草木中良材自挺然瞻彼野田草彼鋤此芊芊物理本有定人情圖目前歲寒不驟至徒羨老莊賢

獨居咏懷

獨居固無聊出門亦誰契詩書不療飢難將對徒隸留侯爾何人乃能悟高帝王猛杖策來豈受桓溫繫隆中高臥人未遇何足計朱紫非其時不如衣薜荔曠觀今古間逍遙山水際茅齋却無機驅雞與牧豕

雜感

嶧陽有枯桐生于石壁間下臨萬仞淵清水自潄潄上有拂雲枝喬喬不可攀歲久風霜古金石聲

七十二峰

東山葉氏合編

卷五

班班牙曠久不作知者何其慳綠綺安在哉猶與山水閑

白卉媚陽春花狂狂遍阡陌一朝零落盡蜂蝶去如隔惟有寒叢菊秋霜伴黃白為咲冶遊子浪將桃李惜桃李滿前蹊紅塵埋幾尺只看籬間花能傲陶彭澤秋風兮秋風何者高人客

古意次韵

軍書急如電征戍何時見曉鏡淚千行暮砧愁一片聞道夷陵灰未信天山箭歲歲守空閨賓鴻更

侶燕

將進酒

洞庭春花月村臨風慷慨烏兔奔擊樽四望欲銷魂功名富貴焉足道今古英雄休等倫鴻門失聽范亞父轉眼不見項家土至親莫如平原君長夜為歡底自苦何況嫌疑作假王後車縛戴猶噲伍阮嗣宗陶淵明遭逢世亂輕浮生日馳狂藥不耐醒土看醉鄉真太平

江南曲

七十二峰

東山葉氏合編

卷六

春雲如夢春潮漲白蘋烟暖綠絲颺夫容樓上婢娟子憎見弄潮潮已上如何夫婿客瞿塘江船日下猶飄蕩縱使明珠大貝裝滿囊寧免江頭朝暮凝眸望

鴻門行

祖龍死鹿狂走長者入關自唾手鴻門高宴劍光昏楚目無瞳對杯酒五采雲從芒碭去秦室河山皆漢有空中龍虎早爭拏亞父徒勞撞玉斗當筵不殺隆準公縱畫鴻溝豈能久

雜詠

百鍊精英塵一片黑雲歷盡千年面道傍忽遇負局生摩拂圓光秋水現鳳舉龍翔菱蕩分秦臺軒室爭驚美試看魑魅及妖狐泣露真形不及變當時土蝕無人知等比頑銅同厭賤

逢退將談往事因贈

勿憑勇健誇無敵二十從軍防北狄迥體金瘡歷陣多手斬名王逐鳴鏑冊勲不見姓名傳侯王已為他人績歸來華鬢盡侵霜老屋蕭蕭傍蘆荻古

七十二峰

東山葉氏合編

卷六

時名將豈平人衛霍本是椒宮戚

五更聞角

去歲秋風裡城頭畫角催今年春正半又到枕邊來節序忽已過此身猶未回不勝殘夢後歸思幾

潞河

鷗

泛泛復悠悠沙汀幾處遊江湖真寄跡風浪自安流忽送客帆遠時同釣艇留本來雲鷺友看破世沉浮

詠雪

古人于雪詠有微事避事之例其體嚴於
晚唐盛于北宋至南渡則風斯下矣溫李
之作已極其致可得而攷也蘇長公才筆
橫放不為閫範所域務為新奇主於白戰
白戰者避事之說也後世以白戰之名掩
其疎陋之質一概空行曾無所得且不知
題之難易讀累篇連其實不成章句余竊
鄙之今冬偶因雪飛或有白戰之作呼余

七十二
足徵集

東山
葉氏合編

卷六
六

同之余成八韵二首一遵古人之禁雖不
能遠駕前賢庶不至隨流後進云

日暝西郊迥風嚴北陸來衾裯嫌水滌庭院漸銀
堆席拂梁園去波凌洛水迴未春先舞蝶綠冷豫
粧梅天界琉璃淨山屏雲母開謝家矜玉樹王母
宴瑤臺寡和懷高調占豐喜免灾路遠袁臥穩門
外任皚皚

右微事

風緊雲連陌空林朔氣稠乍看霏作屑久待擲成
球狂捲隨高下交飾任去留巷深人悄悄村靜路

悠悠時送雁聲遠偏臨水面休倚寒欺薄酒戀坐
穩重裘山迥樵歌絕暝添烏宿愁夜窓猶浙瀝端
欲滯鷄籌

黃金臺

行人勒馬此追尋戰國魏臺歲月深祇有荒堆漆
蔓草更無朽骨買黃金未終樂毅平齊業寧遂昭
王待士心微管功名堪與並南陽除却少知音

生公講臺

七十二
足徵集

東山
葉氏合編

卷六
七

繞臺頑石尚參差猶似當初聽法時高座已經塵
作劫中庭祇有月如規梅花樓迥歌喉咽坐石場
寬醉影歌多少僧鵲陪貴客真孃墓上正題詩
上元後五日爲余五月初度偶來古梅下計
此樹亦五十年矣感而賦之

短牆荒圃夕陽烟指點春光五十年野態定宜癡
石畔寒枝曾耐朔風前開齊月映千林夜望遠雲
迷數里天鐵石心腸還強在莫嫌虛擬廣平篇

春日還山

家山到日值春芳蝶鬧蜂忙日自長無任是非閑

步去不知名宇野花香林泉深處愛淳俗鳥雀喧
時正夕陽一曲狂歌一盃酒歸來准擬醉爲鄉

立秋

大火西流節乍遷怕炎因喜得涼天幾聲蟋蟀吟
堦後一葉梧桐落井先赤馭當空猶似火奇峰到
晚畧如綿今朝昨日人情別便道金風玉露妍

和秋日言懷

曾將方朔三餘較惟外多教歲月移自信折肱堪
療病豈知袖手但看棋吟同幽叻蟲相答興屬高

七十二峰
足徵集

東山
葉氏合編

卷六
八

空隼浪期魯論半編囊底在村中只指是蒙師

寄歸

天風海鶴莫爭喧道路悠悠揔萬端枕夢邊遺
富貴陶輪世外報平安從軍浪說從軍樂行路方
知行路難分付江南好風月准將書劍返江干

秋夜作

酒醒中宵萬籟休道心生處省閑愁三更月上偏
窺我四壁蟲多只訴秋世事日從塵裏鬧人心誰
要死前收果能高枕無憂也夢息封王與建侯

尋春偶成

忽覺風從東面來枝頭春色映雲開冰消春澗寒
泉活雨洗沙汀病草回沿路緩行聽好鳥倚柯獨
立向高臺年年野服春中過錦繡江山媿不才

和友人嚴園有感

曲巷斜門舊有名平時絃管抵三更於今蘇小歌
聲杳爲值麻姑笑語輕雁去燕來俱是夢臺平樹
禿不勝情栽桑瀛海都如蓋應向東波悟此生

七十二峰
足徵集

東山
葉氏合編

卷六
九

平泉草木已難名北里風流又變更華表柱頭仙
語在銅駝陌上却灰輕向來花柳千春地化作烟
雲一段情惟有池蛙與田雀夕陽荒艸話平生

夜坐

萬籟至此寂萬愁亦自平鷄鳴過夜半猶伴讀書
聲

漁父雪景

濁酒鮮鱗不道冷拍手高歌風雪景船頭醉倒一
箇眠醒來留印蓑衣影
密雪江天一舴艋鷺鷥飛盡蘆花靜摩挲醉眼笑

人寰頓失玻璃萬千頃

風鳶

逐逐春風高下鳴山空贏得野人聽宮商燕喜澤
無賴也道清吟向杳冥

題村居圖

幾簇茅簷幾縷烟桑麻鷄犬自年年若將花片隨
流水便許陶潛記一篇

葉奕

夾字林宗好學多藏書名與石君上下子祖仁祖

七十二峰

東山

葉氏合編

卷十四

裕皆少有才名林宗後娶妻二子俱失愛以憂死

士論少之

讀王大宗伯製鴛鴦塚文有述

秩宗人倫師文筆贊化理遠綴雅頌辭高摘謨詰

肯清風揚民彝直道扶世紀斯文信在茲世禍哀

未殂吳門占德星蠡口肇休祉烈婦彼何人節義

感君子文表德爲塚字勒蚪蚪軌華表三百言風

厲千萬祀喟彼臣子心忠孝棄如屣三復琬琰篇

無乃顙有泚

新春寄吳門友人

病起驚年換長嗟世事蕪故人山外遠黑髮鏡前
疎隱几空隨蝶裁書嬾寄魚隴梅新歲思聊折問
吾徒

葉修

修字祖德林宗長子與弟祖仁守其家學迭爲酬
倡有謝庭風致名其集曰華萼集書學頗魯公用
筆頗似之

村居守歲二首

七十二峰

東山

葉氏合編

卷十四

一尊愁不寐淚燭共殘更臘去寒無賴春來風有

情爐中香氣冷櫺外曙光明急景添離思相催爆

竹聲

歲月今將盡窮通尚未更野梅村舍暖岸柳故園
情不奈愁來促那堪坐到明回燈檢詩句西寺又
鐘聲

吳門感事

朱門亭館半燒殘羅綺傷心塞雪寒何事狹邪歌
舞地依然紅袖凭闌干

繞郭笙歌與畫船白公堤畔白年年朔風吹破繁
華夢衰柳猶籠七里烟

山中探梅醉吟四首

暖氣方從地底迴前山已見早梅開小園蕪沒交
親遠不爲花時不肯來

愁腸消得幾多迴飲罷醒餘意便開算得花間詩
酒主是誰同是去年來

苔枝迸蘂覺春迴月影風香次第開盡日衝寒水

邊坐醉時來勝醒時來

七十二峰

東山
葉氏合編

卷五
十二

尋行水複又山迴簇眼繁枝向日開半醉蕭蕭驢
背上一林殘雪獨歸來

葉裕

裕字祖仁林宗次子右手駢指自稱枝指生性穎
悟甫就傳讀書即能曉大義十歲咏鄉社云里空
野老迎鄉社施得朱旗賽遠村盡道來年是豐稔
醉歸燈下戲兒孫又咏雪句云有意飄歌扇無情
入酒樓詩壇老宿咸以神童目之長遊錢牧齋陳
確庵之門其爲詩風情輕麗矩矱唐賢牧齋稱其

落花詩確庵從游集中多載其篇什可謂詩人已

惜以後母故失愛于父竟鬱鬱以死年止二十五

虞山陸豈凡好道志惟之士也庚子歲四月九日

去祖仁之亡將期年矣豈凡於紫雪壇扶乩忽飛

筆書云遠山微抹送橫波細骨輕軀艷綺羅懶隨

暈添紅玉潤猩唇香唾紫櫻和雲知度曲當筵駐

風亦憐卿入袂多便結同心松柏下一鈞新月夜

舒荷右山下逢妓鬼仙葉祖仁作林宗寶藏其筆

以爲真亡乎之作每出以示人嗟子抑何厭惡于

七十二峰

東山
葉氏合編

卷五
十三

生蕭而愛惜于身後耶申生伯奇千古同聲一哭
矣葉石君東山詩紀載其事附錄之

冬白紵歌

梧宮落葉點霏霜玉壺錚鏦夜未央寒光閃閃透
羅幕揭鐘置酒開華堂吳娃二八腰如束菱菱白
紵圍香玉迴雪風前不自持一樹梨花烟簇簇地
衣疊錦花蒙茸獸燭博山香霧濃龜甲屏風開翡翠
金鯨瀉酒琉璃紅節促牽繫生百媚蘭釵墜髮
盤雲膩柳枝拍盡畫筵收金盤淚重吹香穗

初夏重過錢遵王臨水居有感

粉痕殘合畫欄通刺啄棋聲小院空淺綠池塘蚪
蚪水嫩涼簾幔鯉魚風茶煙禪榻悠揚細花雨琴
床委墜紅腸斷昔年曾過處紫荊花下更誰同

贈董師望

白眼看天鏤不平幾年從事亞父營每嫌詞客無
佳句又恨將軍不解兵雪壓朝飡丹甌冷雨侵孤
館晏裘輕單衣稅杖軍門坐人道疎狂如禰衡

晚渡石湖

七十二峰

東山
葉氏合編

卷十四

片帆遙指闔閭城浪細風微綠水澄近郭烟橫遮
柳寒山木落出舳舻蘆淺瀨翹雙鷺斜日長
過一僧回首故山看漸遠篷窓閑倚思騰騰

塞上曲爲友人作

從軍數載事疆場冷角悲笳暗斷腸青燐魂歸番
帳月玉關人臥戌樓霜雲連烽火驚鵬陣風捲塵
沙掠雁行休怨香閨音信杳夢中時得到家鄉

讀宋遺民錄

浮雲添淡蔭扶桑一樹冬青對夕陽赤伏荒唐天

尚醉白翎哀怨國終亡孤兒抱柱空舒爪野老登
臺暗斷腸世界幾時歸本穴至今留得憶翁狂

情

看處詩魔與病魔良辰半自恨蹉跎花間邂逅常
嫌少酒後思量始較多書去不堪抽若爾夢迴從
道渺如波暮春時節黃昏後斜月輕風奈爾何

無題

中門鎖動後堂深綠齒依稀隱畫屏綉箔麒麟金
冉冉雕籠鸚鵡語星星教密信傳來急每到佳

七十二峰

東山
葉氏合編

卷十四

期總莫經自恨此生仙分薄思量宜醉不宜醒

詠史

生計迂疎可自由古人寧乏稻粱謀卧龍捫蝨皆
王佐八百桑田十具牛

駢脅諸侯竄逐時斬祛休怨寺人披當時同向新
城去桐葉河山却屬誰

古來快事屬炎劉亭長還鄉帶冕旒猶道未能稱
大度當時美顏但封侯

衲衣贈馮定遠

華髮霜輕未滿頭詩中酒裏舊風流美人衫子仙人帔總與先生袖裏裘

辛卯春貞服許兄客于淮上有憶故園之作
歸而見示因答其意

日煖風輕百草香嬌鶯聲滑蝶飛忙遙知此際多
歸思愁泥東風暗斷腸

春水悠悠浸碧天赤欄橋外柳如烟輕風斜日歸
來路十里笙歌簇酒船

揚州烟月謾多情杜牧風流最得名爭似白堤春

七十二峰

東山
葉氏合編

卷十四
十六

雨夜畫船紅燭聽彈箏

白紵衫輕雪樣新長街走馬蹴香塵滿樓紅袖垂
纖手爭軸珠簾笑指人

簾幙東風柳絮飄江魚朔雁兩迢迢玉樓此日須
迴首惆悵西飛望伯勞

拓彈銅牙結伴遊垂楊拂面過朱樓雙鬟自向爐
邊笑斜控青絲跋馬頭

高箱金犢見神仙咽路香塵落翠鈿惆悵夜深牆
下立露寒風細月娟娟

草薰花暖柳髮髮春思離情兩不堪料得迢迢歸
夢裡酒旗蘭漿見江南

效元微之春詞二首

綉戶鶯聲白日長撲簾風暖柳花狂門前撩亂香
塵起踏踏斑駁送陸郎

花遠迴廊柳拂簷玉階無迹草痕纖香眠正穩鶯
聲早日影絲絲透錦簾

春夜

杏香如蜜透簾櫳歌管聲殘小院空獨倚畫闌人

七十二峰

東山
葉氏合編

卷十四
十七

寂寂秋千影過粉牆東

葉善徵

公字德明號朗齋余外祖母之所自出也矜才負
氣目空一世崑山歸莊狂士也來遊洞庭與公議
論不協偶涉訛呵遂彼此遺書往復朗齋之狂名
亦著

春前一日漫興

簷喧鳥雀驚商略變新聲香動梅心見春含草意
生食貧占歲稔踐土望時清載月鋤雲處何人釋

釣耕

秋夜宿張桂吾幕府

天近重陽節園亭爽氣清
蝶殘花底夢鳥冷樹頭聲
官裡聞時事人前學世情
月光移榻影搔首聽嚴更

送梁正愷還越

作客累年月歸心水向東
送君行萬里不敢看孤鴻
別思浮萍雨愁聲落葉風
五羊城外路時有夢相通

七十二峰
足徵集

東山
葉氏合編

卷六
六

蘭

泉草常爲伍羣芳敢並妝
攜歸高士室香在野人衣
夢蝶窺花外遊蜂醉葉傍
坐深惟戰茗紉佩再飛觴

水月庵冬夜

疎影動風簾初痕月映纖
霜欺人鬢短事促客眉尖
天冷鳴砧急燈昏借蠟添
相如今夜夢何處酒家帘

義峰

北固山頭有羣蜂擁王出鷹啄啗其王羣

蜂環繞飛鳴三日皆赴水死楊文襄公紀

其事余義而咏之

蜂王鷹攫去花叢蠢類能知殉主忠
魚腹飽沈湘水夢龍髯攀落鼎湖弓
魂招宋玉愁中月氣化田橫島外風
五姓三公長樂老腴顏搔首笑痴虫

病懷

一榻支離半欲穿頽然輸我北窓眠
折腰鄉里曾無米使鬼經營別有錢
綠綺聲稀簾外月青萍氣

七十二峰
足徵集

東山
葉氏合編

卷六
九

老匣中天閒來莫漫悲身世
叅破東坡滿腹禪

朱玲素較書出扇索書走筆戲成

夜堂客到捲垂簾歌板頻催酒政嚴
曲韵停雲行緩緩蛾眉妬月學纖纖
人從艷燭花前醉愁在秋聲樹杪添
如此頭顱猶落魄敢消紅袖捧牙籤

白秋海棠

殘妝卸却茜紅來不是梨花帶月開
秋到舊宮人易老白頭相對立蒼苔

鍾山

龍盤虎踞舊瑤京荒草斜陽牧馬鳴愁看五雲松栢路於今無樹起秋聲

阻風燕子磯

烏衣巷口王家月燕子磯頭漢代雲舞月歌雲人去後新聲不似舊時聞

七十二峰

東山葉氏合編

卷六十四

卷六十四終

七十二峰足徵集卷六十五

武峰吳定璋友篋蒐錄

練初申珩叔佩編訂

席啓疆

啓疆字文遠號牟山候補府佐未仕而卒

送蘇覲庭

祖澤宗賢兩不忘子身萬里赴吳閭今朝又向吳閭別却把蕭關作故鄉

卣孟駐馬立斜陽塞北江南兩故鄉中道莫登高

七十二峰

東山葉氏合編

卷六十五

足徵集

席永最

永最字敏功號漱岩啓疆子由太學生候選州佐不樂仕進優游泉石以終

絡緯

絡緯一何苦秋宵啼到明西風吹斷續殘月照淒清似助機中織遙連砧上聲綠知閨夢醒少婦不勝情

同社會課贈諸友

高會論文盡妙年乘風標格自翩翩六經與義胸
中蘊萬頃洪濤筆下懸鵬翮健依鸞禁柳墨花香
染鳳池蓮他時緩步叨陪從共羨浮槎到日邊

席永思

永思字儼若號芳洲永勗之弟家本素封惟詩酒
自娛不問家人生產遂至中落晚年爲句讀師所
得脩脯盡償酒債蕭然四壁意澹如也嘗作安定
月旦評謂已志大才疎非狂非狷雖高自位置其
梗概亦約略相似云

七十二峯

東山
席氏合編

卷五

秋日過夢懷姪園亭讀壁間葉瘦君句

阮林亭清且閒瘦君曾此共追歡至今壁上題

猶覺行間尺蠖蟠近水窓虛雲氣潤空山秋

聲乾眼前好景難描畫總入才人彩筆端

舟過橫塘欲訪葉瘦君不果

蒼松翠竹橫山下中有詩人葉瘦君風緊片帆飛

渡處幾回回首望烟雲

題吟社卷後

一卷烏絲展夕曛新詩箇箇爛春雲少陵法律青

蓮句更愛橫山葉瘦君

席永恆

永恆字任弘號東村太學生

白沙訪吳鼎公晚歸

握手綢繆久歸來暮靄中亂山啣落照殘葉舞迴
風烟隔村俱暝林深路不通羊牛兩兩下茅屋一
燈紅

鄭笠峰招飲靄碧樓次韻

檻泉悅耳故潺潺瀉瀉出層崖匝小山喜我偶來工

七十二峯

東山
席氏合編

卷五

壑裏輸君長在畫圖間池翻乳鴨波紋皺雲護湘

簾日色閒勝地更欣逢勝友晚霞明處醉松關

春日尋梅晚歸

開裏尋梅上翠微暖風晴日試春衣遲遲不憚前

山遠折得南枝帶月歸

夏校

校字書文所著有燕遊草樓梧吟

秋夜感懷

興微層霄秋氣清天涯蕭瑟旅愁生披襟長嘯風

千里酌酒遙看月滿城夜靜猶聞梁燕語霜飛早
促候蛩鳴凌雲有賦憑誰賞起舞劉琨志未平

送家少文入粵尋親

萬里尋親非壯遊弟兄握別正新秋燕山氣爽催
征騎粵水波澄送客舟陸賈多金看笑傲陳蕃有
榻待遲留行行早遂趨庭願好寄梅花慰遠愁

夏 銘

銘字麗中校之子邑諸生

蘇臺懷古

七十二峯

東山
夏氏合編

卷五

吳王高臺跡尚留霸圖銷歇已千秋螢屯不散真

花花落空填短簿樓耐可夜烏啼柳市不勝晚

山菱洲低回徘徊興亡事雲自浮空水自流

邱廣熙

廣熙字南懷號悔齋恩貢生候選儒學教諭所著

有箭帽山人詩草

擬古次薛石臣韻

昨歲我在吳有客歸自越侈談釣臺高欲上愁顛
跡先生豈屑仕光武真唐突堪笑殷深源去後猶

咄咄

我愛無名公擊壤老布衣著書盈篋箭薤藟德
輝黨分蜀洛爭曾莫解其圍回視高蹈踪冥冥仰
鴻飛

山中有道士綽約疑仙姿朝夕自奉薄所食惟園
葵園葵豈豐腴處順而安時快哉逍遙遊蒙叟吾
之師

有樹大百圍散木何足重得終其天年有用在無
用達觀富若貴雲浮天宇空我憂在貧賤醯雞限

七十二峯

東山
邱氏合編

卷五

於甕

遊真解人自許良不虛伏波紆金紫疊起嚴敦

信達蒿安嶮巖華屋居哀哉城西葬行路爲

賈生相長沙楊子校天祿亦有文中子河汾掌書

荀志士貴脩德厚福委庸碌緬懷古之人日夕中

心惡

翠微納涼

古人逃暑事數數飲以碧筒或河朔長安公子文

八溝翠黛紅裛日相逐吾今解衣盤薄僧舍裏意
同趣異分清濁一盃日鑄自敲石火煎一兩麝尾
自向爐煙握蒲團聊作趺坐香積伊蒲筭可搨
披襟盤桓樂忘返近午論詩五批剝翠微詩僧常
繼武折柬招朋皆卓卓詩成擊鉢沁骨洗心脾盛
夏雷霆風雨兼冰雹請君決擇韻事否令人夢想
高風邈惜少丹青繪此圖想長老呼不覺吁嗟
乎振衣千仞岡頭快底事隨流萬里將足濯

讀吳半園信目吟

七十一峯
足徵集

東山
席氏合編

卷五
六

半園博物張茂先半園才藻蘇髯仙氣如龍馬姿
如鶴上比綠野裴公肩湖山靈秀萃此翁鐵網珊
羅詩篇具區萬頃峰七二一時文獻臚真詮才
高學富聲譽溢典型在望來招延繪圖入志掃記
謬著書滿篋譬䟽箋更鼓餘勇嘯且咏凌轢皮陸
參王錢水人居水蠹我舸何來物議空喧聞敝衣
野服走詞之爲撥雲霧開青天漁家俎豆當百世
竹枝佳唱千秋傳半園下問及芻蕘芙蓉露手翻
瑤編詩中有畫兼有史非君獨擅誰能然珠璣錯

落珣璣陳目迷五色膺服奉嗟余後君生五歲自
慙才盡霜毛顛君何偉哉筆扛鼎始信衰盛非閑
年還君詩卷猶戀戀口已流沫手已胼

真州道中

策蹇過真州街寒去不休冰鬚呵再合皺手袖難
柔空翠江峰遠晴霞天塹流顧瞻有快意莫學旅
人愁

秋杪將有渡江之役臨發口占

七十二峯
足徵集

東山
席氏合編

卷五
七

家食經年久遊踪欲買舟林泉客我老身世妬人
幽厚祿千鍾粟高文五鳳樓甘心讓年少只作庵
幽謀

賦得陰陰夏木轉黃鸝

投林何事必深深遮却炎歊住綠沉不爲知音絕
百轉每逢得意便長吟麥天露湛迎晨氣槐日風
清趁午陰飲啄自如誰獲慕棲身記取看微禽
將至嘉禾微雨

長虹橋上望嘉禾城郭人民浸碧波莫訝晴明轉
陰晦樓頭烟雨待經過